



UNIVERSITÄTS-
BIBLIOTHEK
PADERBORN

**Scientia Salvts, Sive Considerationes Piæ, Præcipuam
Spiritualis Vitæ Materiam complectens**

Laberhittel, Samuel

Ingolstadii, 1660

348. Feria 6. Dominica I. Adventûs. De jugi permansione cum Deo, qui
quod semel assumpsit, nunquam dimisit.

[urn:nbn:de:hbz:466:1-59837](https://nbn-resolving.org/urn:nbn:de:hbz:466:1-59837)

MEDITATIO CCCXLVIII.

Feria 6. Domin. I. Adventus.

*De iugi permansione cum Deo qui quod
semel assumpsit, nunquam dimisit.*

Aspiciam Dominum JESVM in DEO, &
Deum in ipso semper. Petam jugiter
permanere in DEO.

*Conf. 1. Verba D. Leonis: serm. 10. de
Nativit. Domin. cap. 6. Ita sibi inhaeserunt
(DEVS in Incarnatione) Vt. si ve in omnipo-
tentia, si ve in contumelia, ne divina in Christo
careant humanis, ne humana divinis.*

*Conf. 2. Quinque esse necessaria ad hanc
iugem cum Deo permansione 1. propo-
nere, quod semper velim vivere & manere
in Deo, & Deum subinde cogitare, ut inti-
mum conclave refugij mei. 2. Statuere
tam omnia tum bona, tum mala poenae
de manu Dei accipere, eligendo honorifica
Deo, proximo utilia, mihi molesta. 3. Defe-
ctuum meorum per Christi vulnera humili-
ter veniam petere, ac me eas vitaturum fir-
miter statuere. 4. Orare Patrem, ut a memo-
ria vanas imagines amoveat, & Sanctis eam
impleat. Filium, ut intellectum cognitione
summi boni, & beneficiorum mihi exhibitio-
rum, suae voluntatis, meae vilitatis illustret,
Spiritum sanctum, ut voluntatem amore*

DD

suo

MEDI-

suo inflamment, affectus rapiat, Christum D
 ut per sanctissimas animæ vires & corporis,
 vires meas, & sensus purget à vitijs, & virtu-
 tibus perficiat. Denique orare Deum, ut sub-
 trahat concursum ad omnem actum repu-
 gnantem voluntati suæ. Subtrahat obstacu-
 la interna, subtrahat obstacula externa, sub-
 trahat rationem boni apparentis, ut det ra-
 tionem boni veri, ut abstrahat voluntatem,
 & attrahat ad illud bonum verum, ut attra-
 hat illam super omnem amabilitatem, super
 omnem aduersitatem, ut vivam ego, jam
 non ego.

Conf. 3. Et gratias Deo super inenarrabili
 dono ejus agam, 2. Cor. 9. Commemorabo,
 quomodo Deus Unigenitum suum carne
 induerit, passibilem fecerit, in mundum ad
 Redemptionem humani generis miserit. Fa-
 tebor Deum esse mysterij hujus Operatorem,
 in quo summam bonitatem, sapientiam, &
 potentiam ostendit. Gaudebo, quòd Chri-
 stus Pater, Dominus, ac Caput meum Es se
 divinum habeat, quòdque sit verus ac na-
 turalis Filius Dei, & verus Deus unus essentiã
 cum Patre & Spiritu sancto: immensas gratias
 agam Deo, quòd tale donum dedit Christo,
 & quia nobis illum caput dedit, ad auxilium
 gratias agendi. Offeram Deo omnes affe-
 ctus cordis mei, opera, labores, obsequia ju-
 storum

Feria 6. Domin. 1. Adventus. 627

orum & Angelorum. B. Virg. imò Christum
ipsum. Quid tibi dabo Domine pro hoc be-
neficio, omnes bonas cogitationes, deside-
ria, & opera mea? Nihil est. Omnia obsequia
iustorum, qui in terris degunt? Parum est.
Do tibi omnem laborem, & laudem omnium
sanctorum. Parum est. Do tibi omnem San-
ctitatem Angelorum. Et adhuc parum est.
Do tibi omnem puritatem & merita Beatis-
simae Virginis MARIAE. Adhuc parum est. Do
tibi omnes perfectiones SS. Humanitatis
Domini mei, & offero tibi infinitam Maje-
statem tuam, & do affectum desiderij mei,
immensas perfectiones, & omne bonum,
quod tu habes, & es. Statuo tibi magno fer-
ore servire, quia bonus & dignus es, me in
principium tibi consecrare, cor ad amorem,
os ad laudem, manus ad opus. Petam, ut me
filium adoptivum faciat, & fratrem per-
petuum Filij sui, & hæredem Regni sui.

MEDITATIO CCCXLIX.

Sabbato Domin. 1. Adventus.

*De Abstractione ab omni creatura, ut
cum Matre Virgine omnes actus mei
sint Virginei.*

Idebo ignem, qui, ut conservetur purus,
non debet conjungi cum alia materia.

DD 2 Petam